

中國方志叢書·華中地方·第三八八號

據

清·張超修，張敏行纂
同治八年刊本

影印

四川省

續漢州志

成文出版社有限公司印行

中華民國六十五年

月壹一版

續漢州志

全二冊

發行人：黃

成助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

烈婦十六日內
旌表者二

趙氏漢州文應爵妻因吳應堂強姦不從被砍死照
例詳報抵吳應堂以法嘉慶十九年三月二十七
日題奉

旨旌表於節孝祠設牌祀之

羅蔡氏因金玉強姦不從毆傷身死照例詳抵蔡氏
貞烈可嘉題奉

旌表建坊入祠以慰貞魂其年月未詳

黃氏州人倪天義妻世居連山藍逆之亂氏不能逃

賊至脅使割芻氏罵賊撻之氏愈罵賊及之斃火其廬而去

曾氏孫家順妻藍逆之亂氏逃不及賊至逼之氏罵聲不絕賊欲及之氏跳入深泉卒年三十歲賊去家人檢其尸面目如生

王氏年二十八歲州之卿家碾黃永有妻咸豐十年九月廿四藍逆入境被賊強逼不從投水死

屈氏年二十歲州之狐家碾令狐桂妻咸豐十年九月廿四藍逆入境氏恐賊污投水死

曾氏年三十六歲州之孫家營孫家訓妻咸豐十年十月初三藍逆入境被賊強逼不從投水死

莊氏年二十六歲州之八角廟廖振鴻妻咸豐十年九月二十三藍逆入境氏恐賊污負一歲孩子廖喜貴赴三星堆同投塘死其情尤慘

童氏陳正洪妻賊至金輪場氏厲聲罵賊剿其鼻而死

陳氏鄭昌祿妻賊至同母罵賊被殺而死

屈氏令狐貴妻年二十餘有孕賊至不從投水死

唐氏范國祥妻年三十四歲豐十一年三月十五李
逆至金輪場外偪氏氏不從賊欲燒房亦不顧賊
將近身氏急赴塘投水死

王氏柯益敦妻于歸踰年夫亡其翁傷悼自盡族人
聚謀分產氏力任撫嗣守志謀乃息越三年辛亥
翁與夫服闋氏死之守志十有餘年而以身殉例
符

旌表舉人王宗禧傳之

張氏李嘉綰妻夫故氏二十四歲傷痛不已辰時將

夫殯殮入棺卽於巳時觸棺而死戚族無不悼之
志苦節烈女中豪俠也

曾氏歐陽昌榮妻初氏父時省與翁文華同學彼此
指腹爲婚遂聘定道光辛卯父與翁俱故家皆式
微夫爲匪類牽連氏母與兄呈請州主欲退婚州
主諭商之女而後可氏聞此語泣謂母兄曰昔年
陽家盛時未聞此言今貧矣母與兄所議女斷不
從壬辰歸昌榮四壁蕭然毫無怨色晨女惟勗夫
勤儉兩載以來頗務正業後有不肖者誘其浪遊

故態復發百般規勸不從抑鬱成疾而終悲夫

彭氏州南三水關某乙妻李藍之亂其夫被掠三載
不歸氏立志守貞姑亡翁外出氏方閉戶紡花有
近鄰無賴子挑之不從脅之氏大罵不絕無賴子
以鋤柄擊之幾斃事聞鄰婦往視氏猶能言其故
逾時卒娘家婆家俱貧甚無力報官地鄰疑之亦
未鳴官恐氏之含冤九泉也特志之時同治壬戌
年五月事也

烈女

二口餘
待採補

廖姑乳名雙兒年十六歲州之廖家灣廖 龍次女

咸豐十年九月廿四藍逆入境女恐賊污自縊死
馬烈女名長娛州之吳家寺人宅近金邑萬安鄉隨
母嫁爲馬正洪所撫善事父母操家尤勤馬夫婦
鍾愛之弗置同治甲子月日馬欲以女配前妻子
集戚鄰商之以爲可告之女女弗從婉言曰子女
兄也女兄妹也世豈有妹爲兄婦者乎馬是其言
後議婚何張二姓均未果馬意遂決道光丁未女
年十七子甫弱冠馬欲爲之成婚女復卻之曰父

母如嫁女他族雖貧不怨若妻兄決不允也惟死
而已馬怒女佯諾之爰卜是歲十月吉日花燭粧
奩已具女知不免於月前十日早起盥櫛奔投宅
邊鵝蛋堰斃馬覺痛悔不及尋至鄒家菴橋底始
獲其屍裙釵整飭如常遠近聞者莫不墮淚葬近
馬安寺道旁過者咸知爲馬氏烈女墳云

貞女

現採十四口內經旌表者四條待補

牟妹牟志秀女許字劉榮升爲妻榮升亡女父志秀已故孀母何氏在堂諸兄亦相繼而卒遺姪成友成修成章俱幼女見母老姪幼不忍出嫁佃耕爲業勤苦自甘奉侍何氏八十四壽終祭葬如禮教諸姪耕讀均各成立今牟氏衣食裕如皆貞女力也道光三十年奉

旨旌表

歐陽五妹歐陽道元女許字余在德子余新門爲妻

未及笄夫故誓不再醮以女代子孝事雙親端莊
貞潔初終不易卒年五十八歲道光三十年奉

旌表

趙妹趙恆新女至孝性成因父母無嗣甘心奉養不
受人聘在家從父鍼紉終老溫柔貞靜勤儉樸誠
道光二十八年卒享年七十有二

涂貞女監生涂泰文女從九涂時春妹自幼純孝性
成不忍暫離父母人有於父母前爲之議婚者女
不應命且曰人各有志無相強也願守不字之貞

以貞孝終老弟兄親族亦不忍奪其志現年三十
四歲

唐貞女玉姑武生唐澤長女許字王上鏞三子全智
爲妻十五歲未嫁而夫亡父母欲另擇配女聞之
啼泣絕粒數日及夫出殯女身著縞素來夫家祭
奠送葬遂指天矢志守貞全節撫姪承祧翁姑病
女叩天祈禱齋戒數載翁歿女代夫祭葬如禮旋
病卒咸豐九年詳請貞節奉

旌表

尹貞女尹崇典長女許字貢生鄭中立三子德元爲妻道光八年戊子女十八歲未嫁而德元亡女奔喪夫家哀痛送葬矢志守貞撫姪逢吉承祧現年六十一歲同治五年奉

旌表

卿貞女侯徵君太孺人劉氏之養女初失恃父兄託育於侯劉氏卒令歸卿女涕泣不忍去崇甯進士蔡曾元爲子求婚於侯談女事蔡喜曰足爲吾兒婦矣遂聘焉後蔡官京師子隨任卒訃至女欲

死侯力勸始免爲議婚女痛日從一而終誓不復
嫁著凶服辭侯歸蔡矢志守貞而家甚貧躬親操
作怡然自處現年六十八歲

張貞女黃全耀妻道光十二年全耀故女年十九尙
未過門聞訃大痛著素歸黃號泣不去願撫子守
貞父母憫其志堅亦無他議後撫子必祿視如己
出家貧女紡績躬耕不憚勞悴現年五十六歲

童貞女童成元女字曾懷春爲妻道光十八年懷春
故女年十八尙未于歸父母欲字別人女痛哭暗

披凶服奔喪矢志守貞雖茹苦食貧其志愈篤舉止亦端莊親族鄰里莫不敬之現年五十三歲

曾貞女曾鴻泐長女許字張萬山爲妻道光九年己丑女十九歲未嫁而萬山亡女痛翁姑年邁夫弟妹俱幼卽縞衣素履奔喪夫家撫棺痛哭矢志守貞翁姑知其志不可奪爲撫嗣承桃女事翁姑溫清定省悉如子職兩弟妹均其撫育成立將婚嫁時先後俱卒以故翁姑歿後喪葬皆女摒擋生平寡言笑絕鉛華戚族罕見其面而持家勤儉井井

有條鬚眉中罕有及者州人張懷溥紀事有詩游
筠紀事有傳現年六十二歲

黃貞女黃士龍女許字鍾黃洁年十九未婚黃洁病
故女聞訃矢志守貞稟父母命齊衰奔喪悲號幾
不欲生翁姑再三勸慰乃止撫夫兄廩生鳴鼎之
子鴻發承祧終喪後首不爲容衣不純采寡言笑
孝翁姑卒時二十八歲

鍾貞女鍾誠貴女年十二許字范宗祥十四歲未婚
宗祥亡父母欲另擇配貞女聞之泣不欲生遂矢